




EX LIBRIS

Est. 15 Tab. 3 Núm. _____





OFFICIA
PROPRIA
SANCTORUM,

QUÆ
IN DIOECESIS MALACITANA

RECITANTUR,

ET QUÆ

IN MULTIS BREVIARIIS NON INVENIUNTUR.




CUM ORDINARIJ LICENTIA.

MALACÆ.
EX OFFICINA MARTÍNEZ DE AGUILAR,
(VULGO) DEL AVISADOR MALAGUEÑO.
1863.

R. 960.





OFFICIA PROPRIA
SANCTORUM

QUÆ

IN DIOECESIS MALACITANA

RECITANTUR, ET QUÆ

IN MULTIS BREVIARIIS NON INVENIUNTUR.

DIE XIV JANUARIIL.

IN FESTO

S. Hilarii Ep. Cf. et Eccl. Doct.

*Omn. ut in Breviar. hac die sed, Lects. II Noct. cum addit.
ad VI lect. ut infra, ex Brev. Ss. P. N. Pii IX 13 Maj.
1851. et Decret. Urb. et Orb. 10 Jan. 1852.*

Lectio IV.

Hilarius in Aquitania nobili genere natus, doctrina & eloquentia excelluit. Qui primum in matrimonio quasi monachi vitam egit: deinde propter singulares virtutes Pictavorum Episcopus creatur: quod munus Episcopale sic gessit, ut à fidelibus summam laudem consequeretur. Quo tempore, cum terroribus, bonorum spoliatione, exilio & omni crudelitate Constantius Imperator catholicos vexaret, nisi ad Arianas partes transirent, Hilarius tamquam firmissimum murum

se Arianis opponens, illorum furorem in se concitavit. Itaque multis petitis insidiis, tandem dolo Saturnini Arelatensis Episcopi de Synodo Biterrensi in Phrygiam relegatus est: ubi mortuum suscitavit, & libros duodecim scripsit de Trinitate contra Arianos.

¶. Inveni David....

Lectio V.

Quadriennio post coacto Concilio ad Seleuciam Isauriæ urbem Hilarius adesse compulsus est: ac deinde Constantinopo-

lim profectus, ubi extremum fidei periculum animadvertit, tribus libellis publicè datis, audientiam Imperatoris poposcit, ut de Fide cum adversariis coram disputaret. Verùm cum Ursacius & Valens Ariani Episcopi, quos Hilarius scriptis confutarat, præsentis eruditionem pertimescerent, Constantio persuaserunt, ut specie honoris eum in suum Episcopatum restitueret. Tunc Hilarium è prælio hæreticorum revertentem, ut inquit sanctus Hieronymus, Galliarum Ecclesia complexa est; quem ad Episcopatum secutus est Martinus, qui postea Turonensi præfuit Ecclesiæ: tantumque illo doctore profecit, quantum ejus postea sanctitas declaravit.

¶. Posui adjutorium....

Lectio VI.

Magna deinceps tranquillitate Pictavo-

rum Ecclesiam administravit: Galliamque universam adduxit, ut Arianorum impietatem condemnaret. Multos libros scripsit mira eruditione, quos omnes sanctus Hieronymus ad Lætam, sine ulla erroris suspitione legi posse testatur illis verbis: Hilarii libros in fensu decurrat pede. Migravit in cælum Idibus Januarii, Valentiniano & Valente Imperatoribus, anno post Christum natum trecentesimo sexagesimo nono.

Eum à multis Patribus et Conciliis insignem Ecclesiæ Doctorem nuncupatum, atque uti talem in aliquot Diocesis cultum, tandem instante Synodo Burdigalensi Pius Nonus Pontifex Maximus, ex Sacrorum Rituum Congregationis consulto, universæ Ecclesiæ Doctorem declaravit, et confirmavit, ac ipsius festo die Missam et Officium de Doctoribus ab omnibus recitari jussit.

¶. Iste est qui ante....



